



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
22 ougustus 2013	Jhanirha Anita	jhanirha.anita@gobiernu.cw	

MINISTER BALBORDA TA KUMINSA KU KITAMENTU DI KUSINCHINAN RIBA NOS KARETERANAN

Willemstad – Minister Balborda di Ministerio di Tráfiko, Transporte i Planifikashon Urbano, a kuminsa awe mainta ofisialmente ku kitamentu di kusunchinan innesario for di riba kareteranan di nos pais. A kita algun kusunchi for di riba Commandeursweg.

Minister Balborda a indika ku lo kuminsa ku e trabounan pa kita kusunchi for di diferente karetera na Korsou, mirando e kantidat di reklamo ku nos a risibi. Ta pa e motibu aki mes, Minister Balborda a laga SOAB hasi un investigashon den Servisio pa Obra Publiko pa saka afo dikun a pone asina tantu kusunchi. E investigashon aki ta plania pa termina na fin di ougustus.

Servisio pa Obra Publiko ku ta forma parti di Ministerio di Trafiko, Transporte i Planifikashon Urbano, bou di enkargo di Minister Earl Balborda, ke informá komunidad di e prosedura pa ponementu i kitamentu di kusunchi riba kareteranan di Kòrsou.

Servisio pa Obra Publiko ta e instansia di Gobièrnu outorisá pa pone kusunchi, i kaminda ta nesesario, kita kusunchinan for di riba kareteranan di Kòrsou. Ta pone e kusunchinan aki pa alsa seguridat den tráfiko, mirando ku usuarionan di e karetera, kaminda tin kusunchi butá, mester baha nan velosidat na momentu ku nan enkontrá un kusunchi riba e karetera. Pa garantisá seguridat di usuarionan di e karetera, no por pone e kusunchinan aki na kualke sitio i riba tur karetera. Servisio pa Obra Publiko mester analisá e situashon promé ku pone e kusunchinan.

Servisio pa Obra Publiko ta hasi un apelasion na nos komunidad i na komersiantenan pa no pone kusunchi of kita kusunchi di un forma ilegal. Si bo tuma nota di un karetera riba kual lo por pone kusunchi of kita un kusunchi, ku e meta pa alsa seguridat di tráfiko, por tuma kontakto ku Servisio pa Obra Publiko na number di telefon 433-4237 òf e-mail nos na [**info.vvvp@gobiernu.cw**](mailto:info.vvvp@gobiernu.cw) ku e petishon pa pone of kita un kusunchi. Den e petishon aki mester pone nòmber di esun ku ta hasi e petishon, kua karetera, motibunan ku ke pone of kita e kusunchi, informashon di kontakto, i eventual tambe por manda potret.



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
22 ougustus 2013	Jhanirha Anita	jhanirha.anita@gobiernu.cw	

Departamentu Tekniko di Servisio pa Obra Publiko lo analisá e situashon riba e karetera i despues drenta den kontakto ku e persona ku a hasi e petishon. Despues di e analisis aki, ta determina si ta pone of kita e kusunchi òf si por tuma otro medidanan den e infrastruktura di e karetera pa di e forma aki alsa seguridat di tráfiko.

Minister Balborda ta gradisi pueblo di Kòrsou adelanta pa nan kompreshon i koperashon. Nos ta trahando pa alsa seguridat den trafiko. Na mes momentu tambe, Minister ta hasi un apelashon na outomobilistanan pa nan kore di un forma responsabel teniendo kuenta ku tur e reglanan di trafiko vigente.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su pagina di Facebook 'Earl W. Balborda, Minister VVRP'.